



## **KENYATAAN MEDIA MAJLIS PERASMIAN KEJOHANAN FUTSAL PIALA WILAYAH PERSEKUTUAN SEMPENA SHWP 2022**

**PUTRAJAYA, 13 Februari 2022:** Kejohanan Futsal Piala Wilayah Persekutuan yang diadakan bersempena Sambutan Hari Wilayah Persekutuan 2022 (SHWP2022) mendapat sambutan meriah apabila lebih kurang 800 peserta menyertai kejohanan yang berlangsung di Kompleks Futsal Mokhtar Dahari, Presint 18, Putrajaya.

Sebanyak 90 pasukan bagi kategori lelaki bertanding untuk merebut hadiah kejuaraan RM3,000, piala dan pingat sementara 16 pasukan yang bertanding bagi kategori wanita akan merebut hadiah kemenangan RM2,000 berserta piala dan pingat.

Menteri Wilayah Persekutuan, YB Dato' Seri Dr. Shahidan Bin Kassim turut hadir pada Majlis Perasmian Kejohanan Futsal Piala Wilayah Persekutuan ini dengan melakukan "kick off" pertandingan.

Satu lagi pertandingan di Labuan yang dijadual diadakan pada minggu hadapan (19 Februari 2022) terpaksa ditangguhkan berikutan peningkatan kes Covid-19.

Juara pasukan lelaki dan juara pasukan kategori wanita hari ini juga akan dibawa ke Labuan menyertai pusingan Grand Final menentang juara pasukan yang menang di Labuan pada 26 Februari 2022 namun kejohanan itu terpaksa ditangguhkan ke satu tarikh yang masih belum diumumkan.

**Tamat**